

NICOLAI VIGELII IV-
RISCONSULTI

DIGESTO

RVM

PARS QUARTA:

De causis Iuris lu-
cratiuis.



BASILEAE, EX OFFICINA
OPORINIANA



DIGESTORVM LIBER
VICESIMVS OCTAVVS:
DE HAEREDITATE ET BONO-
rum possessione ex testamento.

Haecenus genera iuris cum suis causis specialibus & actionibus sunt proposita atq. descripta. Nunc de causis generalibus, quibus istiusmodi iura adquirantur, nobis est agendum. Sunt autem huiusmodi causa iuris vel lucrativa, vel onerosa. De hisce infra Parte quinta: de illis vero in hac Quarta parte differendum erit. Causa itaq. iuris lucrativa sunt successiones tam ex testamento, quam ab intestato: legata & fideicommissa, donationes tum inter vivos tum mortis causa. De quibus ordine discemus: & primum quidem de successione ex testamento, si prius de successione in genere dixerimus.

1939

DE HAEREDITATE IN
genere. Cap. 1.

I. DEFINITIO HAERED-
tatis & haeredis.



DEFINITVR haereditas l. nihil aliud. 14. ff. de verb. significat. his verbis: Nihil aliud est haereditas, quam successio in uniuersum ius, quod defunctus habuit.

Concordat l. haereditas. 62. ff. de regulis iuris, hisce verbis: Haereditas nihil aliud est, quam successio in uniuersum ius, quod defunctus habuerat.

Definitio haeredis proponitur l. in pari. 170. ff. de regulis iuris, hisce verbis: Hi qui in uniuersum ius succedunt, haeredis loco habentur. Concordat l. quoties. 9. §. haeredes. ff. de haereditibus instituendis, cuius uerba uide i. cap. 12. reg. 2.

II. GENVS HAERE-
ditatis.

Haereditas nomen iuris est, quae regula approbatur l. per unum. 178. §. haereditas. ff. de verb. significat. his verbis: Haereditas nomen iuris est. Concordat l. haereditatis. 119. ff. eod. tit. his uerbis: Haereditatis appellatio sine dubio continet etiam damnosam haereditatem: iuris enim nomen est: sicuti bonorum possessio. Concordat item l. bonorum. 208. ff. eod. tit. cuius uerba uide i. de verb. significat. Concordat item l. haereditas. 10. in princip. ff. de petitione haereditatis, hisce uerbis: Haereditas etiam sine ullo corpore iuris intellectum habet. Concordat item l. bona. 3. §. haereditatis. ff. de bonorum possess. cuius uerba uide i. cap. prox. quaest. 1.

III. SPECIES.

I. Regula, De damnosa haereditate. Haec etiam haereditatis appellatione continetur, quae regula approbatur d. l. 119. ff. de uerb. significat. cuius uerba uide §. quaest. prox.

II. Regula, De bonorum possessione, proponitur l. 40

2040

haeredit. 17. ff. de uerb. significat. his uerbis: Haereditatis appellatione bonorum quoque possessio continetur. Concordat l. praesor. 117. ff. de regul. iuris, hisce uerbis: Praetor bonorum possessorem haeredis loco in omni causa habet. Concordat l. 1. ff. de bonorum possess. cuius uerba uide i. libro prox. cap. 14. regul. 1. Concordat item Inst. eod. tit. §. quos autem cuius uerba uide i. cap. prox. quaest. 2.

III. Regula, De haerede ulteriore. Hic etiam haeredis appellatione continetur, quae regula approbatur l. haeredis. 65. ff. de uerb. significat. his uerbis: Haeredis appellatio non solum ad proximum haereditatem, sed & ad posteriores refertur: nam & haeredis haeres, & deinceps, haeredis appellatio continetur. Concordat l. haereditas. 170. ff. eod. tit. his uerbis: Haeredis appellatione omnes significari successores credendum est, etsi uerbis non sint expressi. Concordat item l. qui per. 114. ff. de regul. iuris, hisce uerbis: Qui per successionem, quauis longissimam, defuncto haereditatem ex-

10
20
30
titerant, non minus haereditatem intelliguntur, quam qui principaliter haereditatem exiterunt. Huius regulae exceptio prima haec est: Nisi in substitutione hac, Quisquis mihi haeres erit: his enim non nisi proximus haeres continetur, quae exceptio approbatur l. secundum. 70. ff. de uerb. significat. his uerbis: Sciendum est, haereditatem etiam per multas successiones accipi, nam paucis speciebus haereditatis appellatio proximum continet: ueluti in substitutione impuberis: Quisquis mihi haeres erit, idem filio meo haeres esto, ubi haereditas haeres non continetur: quia incertus est. Item in lege Aelia Sentia filius haeres proximus potest libertum patrum ut ingratorum accusare, non etiam si haereditatem haeres exiterit. Idem dicitur operarum exactione, ut filius haeres exigere possit, non ex successione effectus. Concordat exceptioni propositae l. ex illa. 227. ff. eod. tit. his uerbis: Ex illa parte edicti, Eum quem ei haereditatem esse oportet: haereditatis haereditibus bonorum possessio non defertur. Item in substitutione his uerbis,

422 2 Quis.